

尤氏喉科
壹



尤氏喉科

卷一

錫山尤存隱著述



總論

卷二

辨症

卷三

治法

卷四

吹藥
煎方

卷五

製藥法

卷六

良方 附喉症圖

增補內經拾遺

尤氏喉科卷一

錫山尤存隱著述

總論

咽喉爲人身呼吸飲食之門戶方寸之地受病危險其症雖繁大要總歸于火蓋少陰少陽君相二火其脉並絡於咽喉故往往爲火症之結聚

君火勢緩熱結而爲疼爲腫

相火勢速則腫甚不仁爲痺痺甚不通則疫塞而死故經云一陰一陽結謂之喉痺火者疫之本疫者

火之標故言火則疫在其中

言咽喉則牙舌亦包羅於內矣 火有虛實

虛火因飲酒太過或因忿怒或因色慾火炎上攻咽
隔乾燥必二便如常少陰脉微治宜補虛降火不宜
純用寒藥取效目前以致上熱未除中寒復起毒氣
乘虛入腹胸前高腫上喘下洩手足指甲青黑七日
以後全不進食張口如魚而死

實火因過食煎炒炙博薰熱積毒其症煩渴二便閉
塞風疫上壅發爲喉痺必先期三日胸膈不利脉弦

而數治宜先去風痠後解熱毒

治喉症最忌發汗悞人不淺

或砭針出血即汗之義

若寒傷於腎及蒂中腫者尤不宜針

蒂中即喉花也

醫通論喉痺惡寒必有表症應用表藥與發汗不同
內傷虛損喉啞失音者無法可治

喉症一寒戰即發發後身涼口不碎又無重舌或二
便俱利不可認作熱症皆由陰氣虛寒而發其痠不
可弔盡此痠即身內津液所化與熱症乳鷺銜舌之

疫毒腫在一處必以流盡毒涎而愈者不同

若有流盡則精神竭而必斃

先以藥吹或用冰渙之法使喉一通即便服藥

第一劑和解第二劑即施溫養補濟之品設三四日後再發寒戰或心痛骨疼脅痛等症皆屬難治

喉症發時牙關緊急舌喉俱漲口碎而臭或有重舌

及上有黃屑者發後下午再發寒熱二便閉澀即作

熱症用石羔敗毒散主之然為亦易愈之症

此段合下兩段

看

如漸起三四日後而寒熱者雖極克亦不為害

即前惟症未減而牙關反不緊急唇不腫而紋如

好人者不治

即前症

舌腫滿口者不治

舌色如胡堯如茄子如砂紙者不治

或連重舌發寒熱猶可治

舌以筋按之其色雪白起筋即紫紅色此身內血已死然口臭猶可生

尤忌口渴氣急痰多而稠如堯膠者死期已速

一頸項俱紅腫者亦極危也

面紅帶色紫面青帶白神氣少者俱不救

不語者死畧能語者猶有可生之機

面青少神喜坐低處者亦難治

喉花爲蒂中性命所關舌下紫筋爲舌繫下通腎白

腫不治傷之即死

附錄施先生論

凡纏喉風及一切喉症去痰太多則內必虛即如陰症傷寒一般必用人參加肉桂補起火來方可醫治欲引火而上行也

唇白者不治頭面項腫不妨如紅色腫至胸前此毒氣攻心也不可救

痰去太多則精神已竭病雖似好飲食如常不知者以為全愈殊不知少頃即發譫語脉細必死

如未發譫語用葭桂可救氣急不治喉聲如鋸不治
病久寒戰骨痛不治今日寒戰明日死

唇如蒲桃肉色不治醬色不治

病久與醫人同坐衣冠若無病者見其唇上有痂如
桃膠粘不出一語即刻死

唇如硃紅漆色不語者醫至終日即能語先寒熱而
後發者極重寒熱全喉症齊發者亦重先發喉症而
後寒熱者輕雖病勢重亦必生

此指驟
發者

喉症有生發

二端凡生喉症者多活發喉症者多死生者何以漸

而起者是發者何即驟然而發者是驟發者重漸起者輕蓋驟者乃周身之病也故重漸者指一處而言也故輕此提綱喫緊之語

醫通論

喉以候氣咽以嚥物咽則通水穀接三腕以通胃喉有九通五臟以系肺並行兩異

經云喉痺者喉中呼吸不通言語不出天氣閉塞也又云咽噎痛者咽喉不能嚥與食地氣閉塞也喉痺噎痛者咽喉俱病天地之氣俱閉塞也

病喉痺者必兼咽噎痛咽噎痛者未必兼喉痺



尤氏喉科卷二

錫山尤存隱著述

辨症

喉症屬疫屬風屬熱皆因鬱火而兼熱毒致生乳蛾等症大要去風疫解熱開鬱其症自愈惟喉痺爲重症

喉痺即纏喉風其症腫甚不仁項上皆腫麻痛而痺因心中躁急而發先兩日必胸膈氣緊出氣短促忽然咽腫喉痛手足厥逆頭如絞轉熱結於內腫擾於

外且麻且痒喉中紅絲纏緊手指甲面色手心壯熱
喉腫而大風疫壅盛如拽鋸之聲是其喉也最爲急
症初起一日即治乃可若過一日夜後目直視喉中
如雷鳴者不治探以燈火近患人口邊即吹滅者不
治若喘急額汗危在旦夕

纏者自頭纏繞赤色寒熱

寒喉風喉痺

聚毒疫涎稠寔而發寒熱關上可治關下難治

乳鶯有單有雙有連珠者多因酒色鬱結而生初起
一日痛二日紅腫三日有形如細白星發寒熱者凶
四日勢定治三四五日可愈其症生於喉旁右屬肺

左屬心一邊生者爲單兩邊生者爲雙二白星上下相連又狀如纏袋者爲連珠單鶯輕雙鶯重連珠又重也

醫通云乳鶯者腫於會厭兩旁多雙乳鶯一邊腫痛者名單乳鶯其暴發暴死者名走馬喉痺俱屬君相二火皆用急治法又云生於關上者易治關下者難治初起作寒熱用荊防敗毒散之亦表法也

爛頭蛾初起有血泡一個吐出鮮紅血後爛成窠

喉閉傷寒後發難治爲氣閉不通無形無聲喉菌因

憂鬱血熱氣滯而生婦人多有患之狀如浮萍畧高而厚紫色生於喉旁難速愈輕則半月二十日重則經月月餘要在治者得法患者守戒忌口

喉癰此虛火上炎肺金火旺致攻喉間生紅絲如哥窰紋樣又如秋海棠葉背紅絲一般若飲食阻礙嘔痛雖不喪命亦難愈速如用藥遲延又不守戒忌口必生重症久不治喉啞失音而不救矣

喉刺多因先患癆病重症既久虛火上炎榮血已竭其喉上腭有紅點密密如虫咬斑深此係危篤將殂